



# PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete  
Porta-Voz

## Komunikadu Imprensa

### Sorumutuk Estraordináriu Konsellu Ministrus nian iha loron 25 fulan-maiu tinan 2020

Konsellu Ministrus hala'o sorumutuk iha Palásiu Governu, iha Dili no decide ona atu husu ba Prezidente Repúblika hodi halo estensaun loron tolunulu tan, ba Estadu Emerjénsia ne'ebé sei termina iha loron 27 fulan-maiu mai ne'e. Estensaun estadu emerjénsia nian ne'e presiza tanba preokupasaun boot husi situasaun epidemiolójika nian no proliferasaun husi kazu kontájui COVID-19 nian ne'ebé rejista iha nasaun viziña, Indonézia, liuliu iha Timor Osidentál, ne'ebé sei ezije atu mantein nafatin aplikasaun medida estraordinária balu, maske kmaan uitoan ona, atubele satan pandemia ne'e, nune'e bele hasees atu hada'et kazu infesaun foun sira husi koronavirus foun nian iha territóriu nasionál. Estadu Emerjénsia dekreta ona iha loron 27 fulan-marsu tinan 2020, no renova fali iha loron 27 fulan-abril tinan 2020 no medida sira ne'ebé bele atu adota dezde dekretasaun ida ne'e, kontribui maka'as tebetebes ba faktu katak kazu ativu COVID-19 nian laiha ona iha territóriu nasionál. Koronavirus foun, ne'ebé deteta ba dala-uluk iha fulan-dezemburu tinan 2019, iha sidade xineza Wuhan, infeta ona ema millaun 5,4 resin iha mundu tomak no halo ona ema millaun 300 resin maka mate.

Ministru Obras Públikas, Salvador Soares dos Reis Pires no Sekretáriu Estadu Protesaun Sivil, Alexandrino de Araújo, apresenta ona ba Konsellu Ministrus pontu situasaun kona-ba intervensaun hodi fó apoiu ba ema hirak ne'ebé afetadu no ba rekuperasaun estragu nian sira tanba inundasaun, ne'ebé akontese iha semana kotuk iha munisípiu balun, ne'ebé estraga ona uma hela-fatin, edifísiu públiku, estrada no ponte sira. **REMATA**



Palácio do Governo,  
Avenida Presidente Nicolau Lobato,  
Dili, Timor-Leste